

Ваколатли банкларда жисмоний шахслар билан валюта айирбошлаш операцияларини амалга ошириш тартиби тўғрисидаги НИЗОМ

Мазкур Низом "Ўзбекистон Республикасининг Марказий банки тўғрисида"ги (Ўзбекистон Республикаси Олий Мажлисининг Ахборотномаси, 1995 й., 12-сон, 247-модда), "Банклар ва банк фаолияти тўғрисида"ги (Ўзбекистон Республикаси Олий Мажлисининг Ахборотномаси, 1996 й., 5-6-сон, 54-модда), "Валютани тартибга солиш тўғрисида"ги (Ўзбекистон Республикаси Олий Мажлисининг Ахборотномаси, 2004 й., 1-2-сон, 6-модда) Ўзбекистон Республикасининг қонунларига ҳамда Ўзбекистон Республикаси Президентининг 2013 йил 30 январдаги ПҚ-1914-сонли "Жисмоний шахсларга хорижий валютани сотиш тартибини янада либераллаштириш чора-тадбирлари тўғрисида"ги қарорига (Ўзбекистон Республикаси қонун ҳужжатлари тўплами, 2013 й., 6-сон, 66-модда) мувофиқ, ваколатли банкларда жисмоний шахслар - резидент ва норезидентлар (кейинги ўринларда жисмоний шахслар деб юритилади) билан валюта айирбошлаш операцияларини амалга ошириш тартибини белгилайди.

І БОБ. УМУМИЙ ҚОИДАЛАР

1. Мазкур Низомда қуйидаги асосий тушунчалардан фойдаланилади:

ваколатли банк - чет эл валютасида операцияларни амалга ошириш ҳуқуқини берувчи лицензияга эга бўлган тижорат банки;

конверсион операциялар бўлими (кейинги ўринларда конверсион бўлим деб юритилади) - ваколатли банкнинг жисмоний шахслар - резидентларнинг (кейинги ўринларда резидент деб юритилади) миллий валютадаги шахсий банк карталари ва чет эл валютасидаги халқаро тўлов карталаридан фойдаланган ҳолда нақд пулсиз шаклда валюта айирбошлаш операцияларини амалга ошириш учун тузилган операцион таркибий тузилмаси;

айирбошлаш шохобчаси - жисмоний шахслардан нақд чет эл валютасини сотиб олиш бўйича операцияларни амалга оширувчи турфун шохобча;

жисмоний шахснинг шахсини тасдиқловчи ҳужжат - паспорт, Ўзбекистон Республикасида яшаш гувоҳномаси ёки Ўзбекистон Республикаси ҳарбий хизматчилари учун ҳарбий билет;

кунлик ҳужжатлар - операцион кун давомида расмийлаштирилган валюта айирбошлаш операциялари ҳисобини юритиш ҳужжатлари;

операцион кун - жисмоний шахсларга хизмат кўрсатиш учун ваколатли банк томонидан белгиланган вақт;

шахсий банк пластик картаси (кейинги ўринларда шахсий карта деб юритилади) - миллий валютада ҳисоб-китоб ва тўловларни амалга ошириш учун Ўзбекистон Республикаси тижорат банклари томонидан эмитентланган миллий валютадаги шахсий карта;

халқаро тўлов картаси - чет эл валютасида ҳисоб-китоб ва тўловларни амалга ошириш учун халқаро тўлов ташкилотлари билан келишувга асосан Ўзбекистон Республикасининг ваколатли банклари томонидан эмитентланган чет эл валютасидаги халқаро банк картаси;

қимматликлар - миллий валюта, чет эл валютаси ва қатъий ҳисобда турувчи бланклар.

2. Нақд миллий валютага чет эл валютасини сотиб олиш ва сотиш курслари ваколатли банклар томонидан чет эл валютасига бўлган талаб ва таклифни ҳисобга олган ҳолда мустақил равишда белгиланади ва ваколатли банклар раҳбарларининг буйруғи билан расмийлаштирилади.

3. Операцион кун давомида ваколатли банк томонидан чет эл валютасини сотиб олиш ва сотиш курсини ўзгартиришга рухсат этилади. Бунда сотиб олиш ва сотиш курсининг ўзгарганлиги тегишли буйруқ билан расмийлаштирилади.

II БОБ. КОНВЕРСИОН БЎЛИМНИНГ ИШНИ ТАШКИЛ ҚИЛИШ

4. Ваколатли банк раҳбари томонидан конверсион бўлимни очиш тўғрисида буйруқ чиқарилади. Мазкур буйруқда ходимларнинг штат бирлиги, бўлим фаолиятига раҳбарлик қилувчи ва уни назорат қилувчи мансабдор шахслар кўрсатилиши керак.

5. Конверсион бўлимнинг штат бирлиги, қоида тариқасида, бўлим бошлиғи, унинг ўринбосари ва икки нафар мутахассисдан ташкил топади. Конверсион бўлим ходимларининг сони ва штат бирлиги мижозларининг сони ва амалга ошириладиган валюта операцияларининг ҳажмидан келиб чиқиб, банк раҳбарининг буйруғига асосан ўзгартирилиши мумкин.

6. Конверсион бўлим мижозларнинг танишиб чиқиши учун қулай бўлган жойга қуйидаги маълумотларни ўз ичига олган стенд билан жиҳозланган бўлиши лозим:
жисмоний шахслардан чет эл валютасини сотиб олиш ва уларга сотиш тартиби;
конверсион бўлимнинг иш вақти;
жисмоний шахслардан чет эл валютасини сотиб олиш ва сотиш курслари;
конверсион бўлим томонидан амалга ошириладиган операциялар турлари;
халқаро тўлов картасини очганлик учун ундириладиган воситачилик ҳақи миқдори;
банк томонидан очиладиган халқаро тўлов карталари, уларнинг имкониятлари ва улардан фойдаланиш тартиби тўғрисидаги маълумотлар.

7. Конверсион бўлим ваколатли банк биносида жойлаштирилади ва унда тўлов терминаллари, ҳисоблаш техникаси, тегишли дастурий таъминотга эга Банклараро ягона

электрон тизимга (кейинги ўринларда электрон тизим деб юритилади) уланган компьютер техникаси, телефон алоқаси, ёнмайдиган темир шкаф (сейф), зарур норматив ҳужжатлар ва маълумот материаллари, ёнғин хавфсизлиги сигнализацияси ва видеокузатув камералари бўлиши лозим.

8. Иш вақтида конверсион бўлим ходимларининг ёнида хизмат гувоҳномалари бўлиши лозим. Банк раҳбарининг тегишли буйруғисиз бўлим ходимлари томонидан ўзларига юклатилган вазифаларни бошқа шахсларга ишониб топширилишига йўл қўйилмайди.

III БОБ. КОНВЕРСИОН БЎЛИМ ХОДИМЛАРИНИНГ ВАЗИФАЛАРИ

9. Конверсион бўлим бошлиғи:

бўлим фаолиятига умумий раҳбарлик қилади, бўлим ишини ташкиллаштиради ва бўлимга юклатилган вазифаларнинг бажарилиши учун шахсан жавоб беради;

бўлим фаолиятига тааллуқли қонун ҳужжатлари талабларининг ўз вақтида ва пухта бажарилиши, шунингдек меҳнат интизомига қатъий риоя этилиши устидан мунтазам равишда назорат ўрнатилишини таъминлайди;

чет эл валютасида банк ҳисобварағини очиш бўйича резидентлар билан икки томонлама шартномалар тузади;

банк кассасидан балансдан ташқари ордерга асосан қатъий ҳисобда турувчи бланкларни олади ва топширади;

чет эл валютасини сотиб олиш бўйича мурожаат қилган шахсларга тегишли тушунтиришлар беради;

қатъий ҳисобда турувчи бланкларнинг амалдаги қолдиқларини валюта айирбошлаш операциялари тўғрисидаги ҳисобот маълумотлари билан солиштиради ва текширади;

валюта айирбошлаш операциялари бўйича тузилган реестрларни маълумотномалар нусхаси асосида текширади;

амалга оширилган валюта айирбошлаш операциялари бўйича иш куни охирида тегишли ҳужжатларни имзолайди;

қатъий ҳисобда турувчи бланклар, бўлим ва ходимларнинг шахсий штампларини сейфда сақланишини таъминлайди;

шубҳали операциялар ҳақида зудлик билан банкнинг Ички назорат хизматига ёзма равишда хабар беради.

Бўлим бошлиғи турли сабабларга кўра иш жойида бўлмаган ҳолларда, унинг вазифаларини бажариш ваколатли банк раҳбарининг буйруғига асосан, унинг ўринбосари зиммасига юклатилиши мумкин.

10. Бўлим бошлиғининг ўринбосари:

халқаро тўлов картасини очиш учун мурожаат қилган резидентларга ушбу карталарнинг турлари, имкониятлари ва улардан фойдаланиш тартиби ҳақида батафсил маълумот беради;

шартномага мувофиқ резидентлар номига чет эл валютасида банк ҳисобварағини очади;

шартноманинг бир нусхасини кунлик ҳужжатларга резидентнинг шахсини тасдиқловчи ҳужжати нусхаси билан бирга тикиб қўяди;

халқаро тўлов картасини "Берилган халқаро тўлов карталарини рўйхатга олиш журнали"га имзо чектирган ҳолда резидентга беради.

11. Бўлим мутахассислари:

чет эл валютасини халқаро тўлов картасига ўтказиб бериш тўғрисидаги аризаларни қабул қилади;

резидентнинг шахсий картаси мавжуд бўлмаган тақдирда, унга пластик карталар бўлимига мурожаат этиб, ўз номига белгиланган тартибда шахсий карта очишни таклиф этади;

чет эл валютасини сотиб олиш учун мурожаат қилган резидентларнинг шахсини уларнинг шахсини тасдиқловчи ҳужжатлари асосида аниқлайди;

шахсий штампларини кун охирида бўлим бошлиғига топширади;

чет эл валютасини резидентнинг шахсини тасдиқловчи ҳужжатларидаги тегишли маълумотларни электрон тизимга киритиш орқали сотиш операциясини амалга оширади; амалга оширилган валюта операцияларини тегишли реестрларга қайд этади;

электрон тизимга киритиш орқали чет эл валютасини харид қилади;

кун охирида резидентларнинг чет эл валютасини миллий валютага айирбошлаш тўғрисидаги аризалари, шахсини тасдиқловчи ҳужжатларининг нусхалари ва терминал чекларини ваколатли банкнинг тегишли бўлимига тақдим этади;

маълумотномалар, реестрлар ва ҳисоботни имзолаб, уларни шахсий штамплари билан тасдиқлайди.

12. Қуйидагилар қатъиян тақиқланади:

миллий валютани чет эл валютасига сиртдан алмаштириш;

валюта айирбошлаш операцияси бўйича маълумотларни электрон тизимга киритмасдан чет эл валютасини сотиш;

тегишли маълумотномани бермасдан валюта операцияларини амалга ошириш;

валюта айирбошлаш операциясини амалга оширмасдан қатъий ҳисобда турувчи бланкларни расмийлаштириш ва бериш.

IV БОБ. КОНВЕРСИОН БЎЛИМИ ҚАТЪИЙ ҲИСОБДА ТУРУВЧИ БЛАНКЛАР БИЛАН ТАЪМИНЛАШ ВА УЛАРДАН ФОЙДАЛАНИШ

13. Қатъий ҳисобда турувчи бланклар балансдан ташқари ордер орқали олинади. Бунда масъул ходим томонидан уч нусхада балансдан ташқари ордер расмийлаштирилади ва уларнинг ҳар бири банкнинг моддий жавобгар шахслари томонидан имзоланади.

14. Конверсион бўлимда қуйидаги қатъий ҳисобда турувчи бланклардан фойдаланилади:

мазкур Низомнинг 1-иловасига мувофиқ 09017-шаклдаги маълумотнома;

мазкур Низомнинг 2-иловасига мувофиқ 09020-шаклдаги маълумотнома.

15. Қатъий ҳисобда турувчи бланклар ваколатли банкнинг буюртмасига асосан, "Давлат белгиси" давлат-ишлаб чиқариш бирлашмаси томонидан бир хил серияга ва зарур химоя даражаларига эга бўлган икки нусхада тайёрланади.

16. Қатъий ҳисобда турувчи бланклар ва улардаги реквизитларнинг тўлдирилган матнларига тузатишлар киритиш тақиқланади.

17. Бузилган, йиртилган ёки бошқача тарзда ярқисиз ҳолга келган қатъий ҳисобда турувчи бланкларнинг иккала нусхаси ҳам бекор қилинади ҳамда мутахассиснинг штампи ва имзоси, бўлим штампи билан тасдиқланади.

V БОБ. РЕЗИДЕНТЛАРГА ЧЕТ ЭЛ ВАЛЮТАСИНИ СОТИШ БЎЙИЧА ОПЕРАЦИЯЛАРНИ АМАЛГА ОШИРИШ

18. Резидентларга чет эл валютасини сотиш конверсион бўлимлар томонидан халқаро тўлов карталаридан фойдаланган ҳолда нақд пулсиз шаклда амалга оширилади.

19. Конверсион бўлимда кунлик нақд пулсиз шаклдаги чет эл валютасини сотиш миқдори ваколатли банк раҳбарининг буйруғига асосан белгиланади.

20. Резидент чет эл валютасини сотиб олиш учун конверсион бўлимга ўзининг шахсини тасдиқловчи ҳужжатини тақдим этади.

21. Резидентнинг шахсий картаси мавжуд бўлмаган тақдирда, конверсион бўлим мутахассиси томонидан резидентга пластик карталар бўлимига мурожаат этиб, ўз номига белгиланган тартибда шахсий карта очиш таклиф этилади.

22. Резидентнинг шахсий картасида етарли миқдорда миллий валютадаги маблағ бўлмаган тақдирда, шахсий карта эмитент банкнинг исталган филиалида нақд миллий валютани банк кассасига топшириш орқали тўлдирилиши мумкин.

23. Резидентнинг шахсий картаси мавжуд бўлган тақдирда, конверсион бўлим мутахассиси томонидан шахсий картанинг ҳақиқатда ушбу шахсга тегишлилиги унинг шахсини тасдиқловчи ҳужжати билан солиштирилади ҳамда тўлов терминали орқали шахсий картада етарли миқдорда миллий валютадаги маблағнинг мавжудлиги текширилади.

24. Шахсий картада миллий валютадаги маблағ етарли бўлганда, резидент томонидан чет эл валютасини сотиб олиш учун мазкур Низомнинг 3-иловасига мувофиқ шаклда ариза тўлдирилади.

25. Миллий валютадаги маблағ ваколатли банкнинг операция бажариладиган кундаги чет эл валютасини сотиш курси бўйича тўлов терминали орқали ечиб олинади ва резидентга миллий валютадаги маблағ ечиб олинганлиги тўғрисидаги терминал чекининг асл нусхаси берилади, унинг нусхаси кунлик ҳужжатларга тикиб қўйилади.

26. Резидентнинг шахсини тасдиқловчи ҳужжатидаги тегишли маълумотлар конверсион бўлим мутахассислари томонидан электрон тизимга киритилади. Бунда икки нусхада 09017-шаклдаги маълумотнома расмийлаштирилади ва принтер орқали чоп этилади. Маълумотномалар бўлим мутахассиси ва резидент томонидан имзоланиб, уларга мутахассиснинг шахсий ва бўлим штамплари босилади. Маълумотноманинг бир нусхаси резидентга берилади, иккинчи нусхаси, мазкур Низомнинг 4-иловасига мувофиқ шаклдаги 09008-сонли реестр ва резидентнинг шахсини тасдиқловчи ҳужжатининг нусхаси билан бирга кунлик ҳужжатларга тикиб қўйилади.

27. Чет эл валютаси 09017-шаклдаги маълумотнома ва миллий валютадаги терминал чеки асосида резидентнинг халқаро тўлов картасига ўтказиб берилади.

28. Резидентнинг халқаро тўлов картаси мавжуд бўлмаган тақдирда, банк ва резидент ўртасида чет эл валютасида банк ҳисобварағини очиш тўғрисида икки томонлама шартнома тузилади ҳамда конверсион бўлим бошлиғининг ўринбосари томонидан шартномага асосан резидент номига чет эл валютасида банк ҳисобварағи очилади. Шартноманинг бир нусхаси резидентга берилади, иккинчи нусхаси эса, кунлик

хужжатларга тикиб қўйилади. Шартномалар давлат тилида тузилади, зарур ҳолларда, резидентнинг талабига кўра рус ёки қорақалпоқ тилида ҳам тузилиши мумкин.

29. Халқаро тўлов картаси конверсион бўлим бошлиғининг ўринбосари томонидан "Берилган халқаро тўлов карталарини рўйхатга олиш журнали"га имзо чектирган ҳолда резидентга берилади. Мазкур журнал рақамланган, ип ўтказиб тикилган, ваколатли банк муҳри ҳамда раҳбар имзоси билан тасдиқланган бўлиши лозим.

VI БОБ. РЕЗИДЕНТЛАРНИНГ ХАЛҚАРО ТЎЛОВ КАРТАСИДАГИ ЧЕТ ЭЛ ВАЛЮТАСИНИ СОТИБ ОЛИШ ОПЕРАЦИЯЛАРИНИ АМАЛГА ОШИРИШ

30. Резидент халқаро тўлов картасидаги чет эл валютасини сотиш учун ваколатли банкнинг исталган конверсион бўлимига мазкур Низомнинг 5-иловасига мувофиқ шаклдаги ариза билан мурожаат этади. Бунда конверсион бўлимнинг мутахассиси томонидан халқаро тўлов картасининг ҳақиқатда ушбу резидентга тегишлилиги унинг шахсини тасдиқловчи ҳужжати асосида текширилади.

31. Резидентнинг халқаро тўлов картасидаги чет эл валютаси ваколатли банкнинг операция бажариладиган кундаги чет эл валютасини сотиб олиш курсига мувофиқ тўлов терминали орқали ечиб олинади. Бунда резидентга чет эл валютасининг ечиб олинганлиги тўғрисидаги терминал чекининг асл нусхаси берилади, унинг нусхаси эса, кунлик ҳужжатларга тикиб қўйилади.

32. Чет эл валютаси конверсион бўлимнинг мутахассиси томонидан электрон тизимга киритиш орқали харид қилинади. Бунда 09020-шаклдаги маълумотнома икки нусхада расмийлаштирилади ва принтер орқали чоп этилади. Маълумотномалар бўлим мутахассиси ва резидент томонидан имзоланиб, уларга мутахассиснинг шахсий ва бўлим штамплари босилади. Маълумотноманинг бир нусхаси резидентга, иккинчи нусхаси мазкур Низомнинг 6-иловасига мувофиқ шаклдаги 09021-сонли реестрга илова қилиниб, кунлик ҳужжатларга тикиб қўйилади.

Резидентлар халқаро тўлов карталаридаги чет эл валютасини айирбошлаш шохобчалари орқали нақд миллий валютага айирбошлашлари мумкин.

33. Кун охирида конверсион бўлим бошлиғи томонидан резидентларнинг аризаси, шахсини тасдиқловчи ҳужжатларининг нусхалари ва терминал чеклари ваколатли банкнинг тегишли бўлимига тақдим этилади. Тақдим этилган ҳужжатларга асосан ваколатли банкнинг тегишли бўлими томонидан резидентнинг шахсий картасига миллий валюта ўтказиб берилади.

VII БОБ. КОНВЕРСИОН БЎЛИМДА ОПЕРАЦИОН КУННИ ЯКУНЛАШ

34. Конверсион бўлимда операциялар амалга оширилиши тугатилгандан сўнг қатъий ҳисобда турувчи бланкларнинг фойдаланилганлиги бўйича мазкур Низомнинг 7-иловасига мувофиқ шаклдаги 09009-сонли ҳисобот тузилади.

35. Реестрлар ва ҳисобот конверсион бўлим бошлиғи ёки унинг ўринбосари ва мутахассисининг имзоси билан тасдиқланади.

36. Операцион кун якунида конверсион бўлим бошлиғи томонидан кун бошида ваколатли банк кассасидан олинган қатъий ҳисобда турувчи бланклар қолдиғи билан кун охирида қолган бланклар сони ўзаро мувофиқлиги юзасидан текширилиши лозим.

VIII БОБ. АЙИРБОШЛАШ ШОХОБЧАСИНИ РЎЙХАТГА ОЛИШ

37. Ваколатли банк айирбошлаш шохобчасининг рўйхатга олиш учун Марказий банкнинг тегишли ҳудудий Бош бошқармасига (кейинги ўринларда ҳудудий Бош бошқарма деб юритилади) айирбошлаш шохобчасини очиш тўғрисидаги буйруқдан кўчирмани илова қилган ҳолда ёзма равишда мурожаат қилади. Ҳудудий Бош бошқарма томонидан 3 иш куни ичида айирбошлаш шохобчаси рўйхатга олиниб, ваколатли банкка мазкур Низомнинг 8-иловасига мувофиқ шаклда гувоҳнома (кейинги ўринларда гувоҳнома деб юритилади) юборилади.

38. Рўйхатга олинган айирбошлаш шохобчаси ҳудудий Бош бошқарма томонидан мазкур Низомнинг 9-иловасига мувофиқ шаклдаги "Айирбошлаш шохобчасини рўйхатга олиш журнали"га қайд этилади.

39. Гувоҳнома йўқолган тақдирда ваколатли банк ҳудудий Бош бошқармага куйидаги ҳужжатларни илова қилган ҳолда ёзма равишда мурожаат қилиши шарт:
гувоҳноманинг йўқолиш сабаблари кўрсатилган маълумотнома;
топилмалар идорасининг гувоҳнома ҳақиқатда йўқолганлигини тасдиқловчи ҳужжатининг нусхаси.

40. Гувоҳноманинг дубликати ҳудудий Бош бошқарма томонидан 3 иш кун ичида берилади. Гувоҳноманинг дубликатига "Дубликат" сўзи ва унинг берилган санаси ёзиб қўйилади.

41. Айирбошлаш шохобчасининг жойлашган ери (почта манзили) ўзгарган тақдирда, ваколатли банк томонидан ҳудудий Бош бошқармага айирбошлаш шохобчасининг жойлашган ери (почта манзили) ўзгарганлиги ва унинг сабаблари кўрсатилган ҳолда ёзма равишда маълум қилинади. Бунда ваколатли банк томонидан айирбошлаш шохобчасини рўйхатдан ўтказиш учун умумий асосларда қайта мурожаат қилинади.

IX БОБ. АЙИРБОШЛАШ ШОХОБЧАСИ ИШНИ ТАШКИЛ ҚИЛИШ

42. Айирбошлаш шохобчасининг иш тартиби манфаатдор ташкилотлар билан келишилиши лозим.

43. Айирбошлаш шохобчасида куйидаги операциялар амалга оширилади:
жисмоний шахслардан нақд чет эл валютасини нақд миллий валютага сотиб олиш;
жисмоний шахслар - норезидентларга (кейинги ўринларда норезидент деб юритилади) чет эл валютасини сотиш;
жисмоний шахсларнинг халқаро тўлов картасидаги чет эл валютасини нақд миллий валютага айирбошлаб бериш;
жисмоний шахслардан чет эл валютасини инкассога қабул қилиш;
ҳақиқийлиги шубҳа туғдирган чет эл валюталарини жисмоний шахслардан экспертизага қабул қилиш;

жисмоний шахсларнинг йирик чет эл валютасини ўша чет эл валютасига майдалаб бериш;

жисмоний шахсларнинг шикастланган чет эл валютасини шикастланмаган шу турдаги чет эл валютасига алмаштириб бериш;

жисмоний шахсларга бир хорижий давлатнинг нақд валютасини бошқа хорижий давлатнинг нақд валютасига алмаштириб бериш (конверсия).

44. Айирбошлаш операцияларини амалга оширганлик учун воситачилик ҳақи ундирилиши мумкин, чет эл валютасини сотиш ва сотиб олиш операциялари бундан мустасно. Воситачилик ҳақининг миқдори ваколатли банклар томонидан белгиланади.

45. Айирбошлаш шохобчасини очиш тўғрисидаги буйруқда айирбошлаш шохобчасининг жойлашган ери (почта манзили), ходимларининг штат бирлиги, шохобча фаолиятига раҳбарлик қилувчи ва уни назорат қилувчи мансабдор шахслар кўрсатилиши керак.

46. Айирбошлаш шохобчаси мижозларнинг танишиб чиқиши учун қулай бўлган жойга қуйидаги маълумотларни ўз ичига олган стенд билан жиҳозланади:

айирбошлаш шохобчасининг иш вақти;

чет эл валютасини сотиб олиш ва сотиш курслари;

мазкур айирбошлаш шохобчаси томонидан амалга ошириладиган валюта айирбошлаш операциялари;

пул белгиларининг ҳақиқийлиги ва тўловга яроқлилигини аниқлаш қоидалари;

жисмоний шахслардан чет эл валютасини сотиб олиш ва сотиш тартиби;

валюта айирбошлаш операциялари учун ундириладиган воситачилик ҳақи миқдори;

айирбошлаш шохобчасининг рўйхатга олинганлиги ҳақидаги гувоҳнома нусхаси.

47. Айирбошлаш шохобчасида бир вақтнинг ўзида икки нафар ходим - назоратчи ва кассир фаолият юритиши ҳамда улар ваколатли банкнинг махсус кийими (униформа) билан таъминланган бўлиши лозим. Зарур ҳолларда, ваколатли банк раҳбарининг буйруғига асосан тажрибали кассирлар айирбошлаш шохобчасига вақтинча фаолият юритиш учун жалб этилиши мумкин.

48. Ваколатли банклар томонидан айирбошлаш шохобчасини ёнмайдиган темир шкаф (сейф), телефон алоқаси, қўриқлаш ва ёнғин хавфсизлиги сигнализацияси, валютанинг ҳақиқийлигини аниқлайдиган детектор ёки тестер, тегишли дастурий таъминотга эга компьютер ва ҳисоблаш техникаси, шунингдек зарур норматив ҳужжатлар ва маълумот материаллари билан таъминланади.

49. Айирбошлаш шохобчасида назоратчи ва кассирни лавозимга тайинланганлиги тўғрисидаги тегишли буйруқдан кўчирма бўлиши керак. Назоратчи ва кассир лавозимида етарли тажрибага эга бўлган ва чет тилларини билладиган ходимлар ишга тайинланади.

50. Иш вақтида назоратчи ва кассирнинг ёнида хизмат гувоҳномалари бўлиши лозим. Назоратчи ёки кассир ўзига юклатилган вазифаларни банк раҳбарининг тегишли буйруғисиз бошқа шахсга ишониб топшириши ва айирбошлаш шохобчасига бегона шахсларни киритиши қатъиян тақиқланади.

51. Айирбошлаш шохобчасининг ҳар бир ходимига фамилияси кўрсатилган штамп, назоратчига эса, қўшимча равишда ваколатли банк номи, рўйхатга олиш рақами ва шохобчанинг манзили ёзилган штамп бириктириб қўйилади.

Ишдан ташқари вақтда айирбошлаш шохобчасида қимматликлар ва штампларни сақлаш тақиқланади.

52. Айирбошлаш шохобчаси кассирга қимматликлар солинган халталарни тамғалаш учун пломбир берилади. Унинг плашкасида айирбошлаш шохобчасининг рўйхат рақами ва қисқартирилган номи қайд этилади. Кассирга пломбир ваколатли банк томонидан журналга имзо чектирган ҳолда берилади.

Инкассация бўлими (участкаси) бошлиғи ва ваколатли банкнинг касса мудирини томонидан тасдиқланган пломбир изи намунасининг бир нусхаси айирбошлаш шохобчасининг кассирга берилади. Ушбу намуна кассир томонидан қимматликлар солинган халталар олинаётганда инкассаторга кўрсатилади. Намунанинг иккинчи нусхаси ваколатли банкнинг кечки кассасига берилади.

53. Ишга қабул қилинган ходимлар ваколатли банк томонидан моддий жавобгарлик тўғрисида тегишли қонун ҳужжатларининг нормалари, шунингдек қимматликларни сақлаш, қабул қилиш, бериш, улар билан ишлаш, қайта санаш ва ташишга доир қоидалар, айирбошлаш операцияларини ўтказиш ва уларнинг ҳисобини юритиш тартиби билан таништирилиши шарт.

Х БОБ. АЙИРБОШЛАШ ШОХОБЧАСИ ХОДИМЛАРИНИНГ ВАЗИФАЛАРИ

54. Айирбошлаш шохобчасининг назоратчиси:

қимматликлар солинган халтачаларни қабул қилади, уларни очишда иштирок этади ҳамда ундаги қимматликлар кам ёки ортиқ чиққан ҳолларда, икки нусхада далолатнома тузади, ушбу далолатномани кассир билан бирга имзолайди ва унинг бир нусхасини банкка юборади;

айирбошлаш учун тақдим этилган миллий ва чет эл валютаси эквивалентини ҳамда воситачилик ҳақини ҳисоблайди;

амалга оширилган валюта айирбошлаш операцияларини тегишли реестрга қайд этади;

маълумотнома ва квитанцияларни тўлдиради ҳамда имзолайди;

амалга оширилган валюта айирбошлаш операциялари бўйича тегишли ҳужжатларни иш куни охирида имзолайди;

иш куни охирида қолган қимматликларни дасталари бўйича санаб чиқади ва бу қимматликларнинг дасталари бўйича халталарга тўлиқ солинишини назорат қилади;

амалга оширилган операциялар тўғрисида ҳисобот тузади ва уни тегишли реестрлар ва маълумотномалар нусхалари асосида текшириб чиқиб, имзолайди;

қимматликларнинг амалдаги қолдиқларини амалга оширилган операциялар тўғрисидаги ҳисобот билан солиштиради ва қимматликлар ортиқ ёки кам чиққан ҳолларда, икки нусхада далолатнома тузади ва уни кассир билан бирга имзолайди. Унинг бир нусхаси ваколатли банкка юборилади ва иккинчи нусхаси айирбошлаш шохобчасининг кунлик ҳужжатларига тикиб қўйилади;

шубҳали операциялар ҳақида зудлик билан банкнинг Ички назорат хизматига ёзма равишда хабар беради.

55. Айирбошлаш шохобчасининг кассирини:

қимматликларни олиш учун буюртманомаларни тузиб ваколатли банкка тақдим этади;

инкассаторлар олиб келган қимматликлар солинган халталарни қабул қилиб олади ҳамда халталарни назоратчи ва инкассатор иштирокида очади ёки ваколатли банк кассасидан қимматликларни қабул қилиб, айирбошлаш шохобчасига олиб келади;

алмаштириш учун тақдим этилган банкнотларни ҳақиқийлиги ва тўловга яроқлилигини текширади;

реестрлар, квитанциялар ва маълумотномаларни, шунингдек назоратчи томонидан тузилган далолатномаларни имзолайди;

иш куни охирида қолган қимматликларни санайди, уларни саралаб дасталайди ва назоратчи кузатувида қимматликларни халталарга жойлайди.

56. Кассир пул ва тангаларни тахлаш ҳамда уларнинг ўраб боғланишига шахсан жавоб беради.

57. Қуйидагилар қатъиян тақиқланади:

миллий валютани чет эл валютасига сиртдан алмаштириш;

валюта айирбошлаш операциялари ҳақидаги маълумотларни электрон тизимга киритмасдан валютани сотиш операциясини амалга ошириш;

тегишли маълумотнома бермасдан, валюта айирбошлаш операцияларини амалга ошириш;

валюта айирбошлаш операциясини бажармай туриб, тегишли маълумотномалар бериш;

айирбошлаш шохобчасида чет эл валютасидаги ва энг кам ойлик иш ҳақининг ярмидан ортиқ миқдорда миллий валютадаги шахсий жамғармаларнинг бўлиши.

58. Пул маблағларининг кам ва ортиқ эканлиги, шунингдек бошқа қоидабузарликлар аниқланган тақдирда, хизмат текширувидан кейин банк томонидан материалларни ҳуқуқни муҳофаза қилувчи органларга берган ҳолда айбдор шахсларга нисбатан интизомий, шу жумладан, ишончни йўқотганлиги учун ишдан бўшатишгача бўлган жазо чораси қўлланилади.

XI БОБ. АЙИРБОШЛАШ ШОХОБЧАСИНИ ҚИММАТЛИКЛАР БИЛАН ТАЪМИНЛАШ ВА УЛАРДАН ФОЙДАЛАНИШ

59. Айирбошлаш шохобчаси ваколатли банк томонидан қимматликлар ва бошқа бланклар билан таъминланиши шарт.

60. Айирбошлаш шохобчасида қуйидаги қатъий ҳисобда турувчи бланклардан фойдаланилади:

мазкур Низомнинг 10-иловасига мувофиқ 09002-шаклдаги маълумотнома;

мазкур Низомнинг 11-иловасига мувофиқ 09004-шаклдаги квитанция;

мазкур Низомнинг 12-иловасига мувофиқ 09005-шаклдаги квитанция;

мазкур Низомнинг 13-иловасига мувофиқ 09007-шаклдаги маълумотнома;

мазкур Низомнинг 14-иловасига мувофиқ 09012-шаклдаги квитанция.

61. Қатъий ҳисобда турувчи бланклар ваколатли банкнинг буюртмасига асосан, "Давлат белгиси" давлат-ишлаб чиқариш бирлашмаси томонидан бир хил серияга ва зарур химоя даражаларига эга бўлган икки нусхада тайёрланади.

62. Қатъий ҳисобда турмайдиган бланклар ваколатли банклар томонидан мустақил равишда тайёрланади.

63. Қатъий ҳисобда турувчи бланклар ва улардаги реквизитларнинг тўлдирилган матнларига тузатишлар киритиш тақиқланади.

64. Бузилган, йиртилган ёки бошқача тарзда яроқсиз ҳолга келган қатъий ҳисобда турувчи бланкларнинг иккала нусхаси ҳам бекор қилинади ҳамда назоратчи ва кассирнинг штампи ва имзоси билан тасдиқланади.

65. Қимматликларни олиш учун кассир томонидан мазкур Низомнинг 15-иловасига мувофиқ шаклда икки нусхада 09001-сонли талабнома тўлдирилади. Талабноманинг бир нусхаси ваколатли банк кассасида қолдирилиб, иккинчи нусхаси кунлик ҳужжатларга тикиб қўйилади.

Ваколатли банк бухгалтериясининг масъул ходими томонидан айирбошлаш шохобчасининг талабномаси ҳамда тегишли касса ва балансдан ташқари ордерлар асосида айирбошлаш шохобчасига жўнатиш учун тайёрланган қимматликларнинг уч нусхада рўйхати тузилади. Уларнинг ҳар бири ваколатли банкнинг моддий жавобгар шахси томонидан имзоланади.

Айирбошлаш шохобчасига жўнатиш учун тайёрланган қимматликлар уларнинг рўйхати нусхаси билан бирга моддий жавобгар шахслар томонидан инкассация халтасига жойланади, шундан сўнг халта тамғаланади. Айирбошлаш шохобчасига бириктирилган ҳар бир инкассация халтасида айирбошлаш шохобчасининг рўйхат рақами ва ваколатли банк номи ёзилади. Инкассатор халталарни қабул қилиб олгандан сўнг, қимматликлар рўйхатининг иккинчи нусхасини имзолайди.

66. Айирбошлаш шохобчасини иш куни бошланишидан олдин қимматликлар билан таъминлаш ёки унга иш куни давомида қўшимча қимматликлар келтириш инкассаторлар томонидан амалга оширилади, айирбошлаш шохобчаси ваколатли банк биносида жойлашган ҳоллар бундан мустасно.

67. Инкассатор келтирган халталар назоратчи иштирокида кассир томонидан қабул қилинади. Бунда халтанинг тамға урилган тизимчасининг бутлиги ва тамға изининг аниқлиги синчиклаб текширилади. Кассир томонидан халта очилаётганда ва унга солинган қимматликлар текшириляётганда унинг ёнида назоратчи ва инкассатор туриши шарт.

68. Айирбошлаш шохобчасининг талабномаси, тегишли касса ва балансдан ташқари ордерлари асосида тузилган рўйхатнинг биринчи нусхаси унинг иккинчи нусхаси ва қабул қилинган қимматликлар ҳисоби билан солиштирилгандан сўнг, қимматликлар қабул қилиб олинганлиги тўғрисидаги рўйхатнинг иккинчи нусхаси назоратчи ва кассир томонидан имзоланади ва айирбошлаш шохобчасининг штампи билан тасдиқланади ҳамда рўйхатнинг иккинчи нусхаси инкассация бўлимига топшириш учун инкассаторга қайтарилди. Рўйхатнинг биринчи нусхаси айирбошлаш шохобчасининг кунлик ҳужжатларига тикиб қўйилади.

ХП БОБ. АЙИРБОШЛАШ ШОХОБЧАСИДА ВАЛЮТА ОПЕРАЦИЯЛАРИНИ АМАЛГА ОШИРИШ

69. Айирбошлаш шохобчасида жисмоний шахслардан чет эл валютаси чекланмаган миқдорда сотиб олинади.

70. Айирбошлаш шохобчаси томонидан амалга оширилган операциялар тўғрисидаги маълумотлар электрон тизимга киритилади.

Чет эл валютасини сотиб олишда операция энг кам ойлик иш ҳақининг 1000 баравари миқдорига тенг бўлган ёки ундан ошган ҳолларда, бундай операциялар тегишли маълумотларни электрон тизимга киритиш орқали амалга оширилиши шарт. Бунда резидентлардан шахсини тасдиқловчи ҳужжат ва норезидентлардан паспорт талаб этилади ҳамда уларнинг нусхаси кунлик ҳужжатларга тикиб қўйилади.

71. Кассир жисмоний шахслар томонидан тақдим этилган чет эл валютасининг ҳақиқийлиги ва тўловга яроқлилигини техник воситалар ёрдамида текшириши шарт.

72. Чет эл валютасини жисмоний шахслардан сотиб олишда 09002-шаклдаги маълумотнома икки нусхада принтер орқали чоп этилади. Ушбу маълумотноманинг иккала нусхаси ҳам назоратчи, кассир ва жисмоний шахс томонидан имзоланиб, айирбошлаш шохобчаси штампи ҳамда назоратчи ва кассирининг шахсий штамплари босилади.

73. Чет эл валютаси резидентлардан сотиб олинаётганда, уларга 09002-шаклдаги маълумотноманинг иккинчи нусхаси берилади, унинг биринчи нусхаси эса, кунлик ҳужжатларга тикиб қўйилади.

Ушбу маълумотнома чет эл валютасини айирбошлаш шохобчаси томонидан сотиб олинганлигини тасдиқлайди, бироқ сарфланмай қолган миллий валютани чет эл валютасига қайта алмаштириб бериш ҳуқуқини бермайди.

74. Чет эл валютаси норезидентлардан паспорт ва чет эл валютасини четдан олиб келганлигини тасдиқловчи божхона декларацияси асосида сотиб олинганда, унга 09002-шаклдаги маълумотноманинг биринчи нусхаси берилади. Мазкур маълумотнома сарфланмай қолган миллий валютани чет эл валютасига қайта алмаштириш учун асос бўлади. Бунда операция суммаси божхона декларациясида назарда тутилган валюта миқдоридан ошмаслиги керак. Маълумотноманинг иккинчи нусхаси норезидент паспортининг нусхаси билан бирга кунлик ҳужжатларга тикиб қўйилади ва божхона декларациясига назоратчи томонидан валюта алмаштирилганлиги тўғрисида белги қўйилади.

75. Чет эл валютаси норезидентлардан паспорт ва чет эл валютасини четдан олиб келганлигини тасдиқловчи божхона декларацияси тақдим этилмаган ҳолда сотиб олинганда, ушбу операция мазкур Низомнинг 73-бандига мувофиқ расмийлаштирилади.

76. Халқаро тўлов картасидаги чет эл валютаси ва нақд чет эл валютасини миллий валютага айирбошлаш операциялари мазкур Низомнинг 16-иловасига мувофиқ шаклдаги 09003-сонли реестрда расмийлаштирилади.

77. Айирбошлаш шохобчасида жисмоний шахсларнинг халқаро тўлов карталаридаги чет эл валютаси нақд миллий валютага айирбошлаб берилади. Бунда халқаро тўлов картасидаги чет эл валютаси терминал орқали ечиб олинади. Жисмоний шахсга валюта сотиб олинганлигини тасдиқловчи 09002-шаклдаги маълумотноманинг бир нусхаси ва терминал чекининг асл нусхаси берилади. Маълумотноманинг ва терминал чекининг нусхаси кунлик ҳужжатларга тикиб қўйилади.

78. Норезидентларга чет эл валютасини сотиш айирбошлаш шохобчасининг 09002-шаклдаги маълумотномасининг биринчи нусхаси ёки банкомат чеки тақдим этилган тақдирда, амалга оширилади.

79. Чет эл валютаси норезидентларга сотилганда, чет эл валютаси сотилганлигини тасдиқловчи 09007-шаклдаги маълумотноманинг бир нусхаси берилади, иккинчи нусхаси норезидентнинг паспорт нусхаси билан бирга мазкур Низомнинг 17-иловасига мувофик шаклдаги 09010-сонли реестрга илова қилинади ва ҳисобот тузиш учун асос ҳисобланади.

80. Айирбошлаш шохобчасида жисмоний шахслардан тўловга яроқсиз деб топилган ёки муомаладан чиқарилган чет эл валютаси инкассога қабул қилиниши мумкин.

81. Чет эл валютасини инкассога қабул қилиш жисмоний шахслардан уларнинг аризасига асосан, резидентлар томонидан шахсини тасдиқловчи ҳужжат, норезидентлар томонидан паспорт тақдим этилганда, воситачилик ҳақи ундирилган ҳолда амалга оширилади. Жисмоний шахс аризасида ўзининг яшаш манзилини аниқ кўрсатиши шарт.

82. Чет эл валютаси инкассога қабул қилинганда, жисмоний шахсга икки нусхада тўлдириладиган 09004-шаклдаги квитанция берилади. Квитанциянинг бир нусхаси жисмоний шахсга берилади, иккинчи нусхаси ҳисобот тузиш учун асос ҳисобланади ва кунлик ҳужжатларга жисмоний шахснинг шахсини тасдиқловчи ҳужжатининг нусхаси билан бирга тикиб қўйилади.

83. Чет эл банкдан инкассога қабул қилинган чет эл валютаси учун воситачилик ҳақи ундирилгандан сўнг, инкассога қабул қилинган чет эл валютаси жисмоний шахснинг банкдаги чет эл валютаси ёки миллий валютадаги ҳисобварағига ўтказилиши ёки жисмоний шахснинг хоҳишига кўра нақд шаклда берилиши мумкин.

84. Чет эл банки инкассога қабул қилинган нақд чет эл валютасини алмаштиришдан бош тортганда, ваколатли банк чет эл банкнинг инкассога қабул қилинган нақд чет эл валютасини тўлашдан бош тортганлигини тасдиқловчи ҳужжат нусхасини илова қилган ҳолда аризада кўрсатилган манзилга ёзма хабар юборади.

85. Айирбошлаш шохобчаси томонидан ҳақиқийлигига шубҳа туғилган нақд чет эл валютасини экспертизага қабул қилиш резидентлар томонидан шахсини тасдиқловчи ҳужжат, норезидентлар томонидан паспорт тақдим этилган тақдирда, амалга оширилади. Бунда жисмоний шахсга нақд чет эл валютасининг экспертизага қабул қилинганлиги тўғрисида 09005-шаклдаги квитанциянинг бир нусхаси берилади, иккинчи нусхаси унинг шахсини тасдиқловчи ҳужжатининг нусхаси билан бирга кунлик ҳужжатларга тикиб қўйилади.

86. Экспертизага қабул қилинган чет эл валютасининг ҳақиқийлигини аниқлаш учун ваколатли банклар томонидан эксперт комиссияси тузилади. Экспертиза натижалари бўйича комиссия томонидан далолатнома тузилади. Ушбу далолатномада валюта тури, номинали, чиқарилган йили, серияси ва рақами, эмитент банк ва экспертизага қабул қилинган чет эл валютасининг ўзига хос бошқа хусусиятлари кўрсатилади. Экспертиза давомида чет эл валютасининг ўзига хос хусусиятларини аниқлаш имконияти бўлмаган тақдирда, ваколатли банклар томонидан ҳақиқийлигига шубҳа туғилган нақд чет эл валюталари бошқа ваколатли банклар ёки чет эл банкларига экспертизадан ўтказиш учун юборилиши мумкин.

Экспертиза натижасида нақд чет эл валютаси ҳақиқий деб топилса, воситачилик ҳақи ундирилиб, чет эл валютаси 09005-шаклдаги квитанция асосида жисмоний шахсга қайтариб берилади.

87. Эксперт комиссияси томонидан ҳақиқий эмас деб топилган нақд чет эл валюталари эгаларига қайтариб берилмайди ва экспертиза далолатномасига илова қилинган ҳолда ҳуқуқни муҳофаза қилувчи органларга юборилади. Валюта эгасига унинг талаби билан экспертиза далолатномасининг нусхаси берилиши мумкин.

88. Айирбошлаш шохобчасида шикастланган чет эл валютасини шикастланмаган шу турдаги чет эл валютасига алмаштириб бериш операциялари амалга оширилиши мумкин. Бундай операциялар мазкур Низомнинг 18-иловасига мувофиқ шаклдаги 09011-сонли реестрга расмийлаштирилади.

Энг кам ойлик иш ҳақининг 100 баравари ёки ундан ошган эквивалентдаги бундай операциялар резидентлар томонидан шахсини тасдиқловчи ҳужжат, норезидентлар томонидан паспорт тақдим қилинганда, воситачилик ҳақи ундирилган ҳолда амалга оширилади. Чет эл валютаси мазкур Низомнинг 92-бандида назарда тутилган асослар мавжуд бўлганда, шикастланган деб топилади.

Бундай операциялар амалга оширилганда икки нусхада 09012-шаклдаги квитанция расмийлаштирилади ва унинг бир нусхаси жисмоний шахсга берилади, иккинчи нусхаси кунлик ҳужжатларга тикиб қўйилади, операция миқдори энг кам ойлик иш ҳақининг 100 баравари ёки ундан ошган тақдирда, жисмоний шахсининг шахсини тасдиқловчи ҳужжати нусхаси ҳам кунлик ҳужжатларга тикиб қўйилади.

89. Айирбошлаш шохобчасида йирик чет эл валютасини ўша чет эл валютасига майдалаб бериш операциялари амалга оширилиши мумкин. Энг кам ойлик иш ҳақининг 100 баравари ёки ундан ошган эквивалентдаги бундай операциялар резидентлар томонидан шахсини тасдиқловчи ҳужжат, норезидентлар томонидан паспорт тақдим қилинганда, воситачилик ҳақи ундирилган ҳолда амалга оширилади.

Бундай операцияларда мазкур Низомнинг 19-иловасига мувофиқ икки нусхада 09013-шаклдаги маълумотнома тўлдирилади ва 09011-сонли реестрга расмийлаштирилади. Ушбу маълумотноманинг бир нусхаси жисмоний шахсга берилади, иккинчи нусхаси эса, кунлик ҳужжатларга тикиб қўйилади. Операция миқдори энг кам ойлик иш ҳақининг 100 баравари ёки ундан ошган тақдирда, жисмоний шахсининг шахсини тасдиқловчи ҳужжати нусхаси ҳам кунлик ҳужжатларга тикиб қўйилади.

90. Айирбошлаш шохобчасида бир хорижий давлатнинг нақд валютасини бошқа хорижий давлатнинг нақд валютасига алмаштириш (конверсия) операциялари амалга оширилиши мумкин. Энг кам ойлик иш ҳақининг 100 баравари ёки ундан ошган эквивалентдаги бундай операциялар резидентлар томонидан шахсини тасдиқловчи ҳужжат, норезидентлар томонидан паспорт тақдим қилинган ҳолда амалга оширилади.

91. Конверсия операциялари мазкур Низомнинг 20-иловасига мувофиқ шаклдаги 09014-сонли "Конверсия қилинган (алмаштирилган) нақд чет эл валютасини ҳисобга олиш реестри"да расмийлаштирилади. Конверсия операцияси амалга оширилганда, мазкур Низомнинг 21-иловасига мувофиқ икки нусхада 09015-шаклдаги маълумотнома тўлдирилади. Ушбу маълумотноманинг бир нусхаси жисмоний шахсга берилади, иккинчи нусхаси эса, кунлик ҳужжатларга тикиб қўйилади. Операция миқдори энг кам ойлик иш ҳақининг 100 баравари ёки ундан ошган тақдирда, жисмоний шахсининг шахсини тасдиқловчи ҳужжати нусхаси ҳам кунлик ҳужжатларга тикиб қўйилади.

XIII БОБ. ЧЕТ ЭЛ ВАЛЮТАСИНING ТЎЛОВГА ЯРОҚЛИЛИГИНИ АНИҚЛАШ

92. Чет эл валютаси:

эмитент банк номи, валюта қийматининг рақамлар ва сўз билан кўрсатилиши, олд ва орқа томонининг асосий расми (сурати), шунингдек қалбакилаштиришдан ҳимоя қилувчи элементлари (сув белгиси, магнитли белгилар, қоғозга киритилган рангли толалар, жумладан, ультрабинафша нурларда кўринадиган толалар, конфетти, ҳимоя иплари, микроатн, нур сочувчи расмлар ва бошқалар) ва бошқа асосий белгиларини сақлаб қолган бўлса;

сийқаланган ва ифлосланган бўлса;

ёпиштириб қўйилган йиртилган бурчаклари ёки қисмлари бўлса;

банкнот ёпиштириб қўйилган ва унчалик катта бўлмаган йиртиқларга эга бўлса;

майда мой доғлари ва бошқа доғлар, ёзувлар ва муҳрлар ўрни бўлганда ва улар банкнотнинг ҳақиқийлигини аниқлашга ҳалақит бермайдиган ва тўловга ярқиликнинг асосий белгиларини 50 фоиздан ортиғини тўсиб қўймаган бўлса;

банкнотлар майда тешиқларга эга бўлса, шикастланган деб ҳисобланади.

93. Чет эл валютаси:

тўловга ярқиликнинг асосий белгиларини сақлаб қолмаган бўлса;

дастлабки ранги ўзгарган ёки ранги ўчган бўлса;

ёнган ёки куйган ҳолатда бўлса;

тўлиқ ёки катта қисмига бўёқ ёки сиёҳ тўкилган бўлса;

банкнотда кимёвий реактивлар таъсири бўлса;

муайян даражада қасддан шикастланган (асосий расмлари, хусусан, номинали ўзгартирилган, ҳимоя ипчалари олиб ташланган, катта ҳажмдаги ёзувлар бўлган) бўлса;

эмитент банк томонидан муомаладан чиқарилган бўлса;

банкнотлар аниқ босма хатога эга бўлган (сув белгиси ёки ҳимоя ипчаларининг йўқлиги ёки нотўғри жойлашганлиги), тасвирлари тўлиқ босилмаган ёки сурқалиб кетган бўлса, тўловга ярқисиз деб ҳисобланади.

94. Тўловга ярқисиз пул белгилари айирбошлаш шохобчаси томонидан инкассога ва эмитент банкка экспертизага жўнатиш учун қабул қилиниши мумкин.

95. Айирбошлаш шохобчасининг назоратчиси ва кассири ўзлари қабул қилган чет эл валютасининг ҳақиқийлиги ва тўловга ярқилиги учун жавобгардир.

XIV БОБ. АЙИРБОШЛАШ ШОХОБЧАСИДА ОПЕРАЦИОН КУННИ ЯКУНЛАШ

96. Операцион кун якунида маълумотномалар, квитанциялар, реестрлар ва қатъий ҳисобда турувчи бланкларнинг тегишли нусхалари асосида амалга оширилган операциялар бўйича мазкур Низомнинг 22-иловасига мувофиқ шаклдаги 09016-сонли ҳисобот тузилади.

97. Амалга оширилган операциялар тўғрисидаги ҳисобот, қимматликлар ва реестрлар шу куннинг ўзида инкассация хизматидан фойдаланган ҳолда ваколатли банкка олиб борилиши шарт, айирбошлаш шохобчаси ваколатли банк биносида жойлашган ҳоллар бундан мустасно.

Кун охирида айирбошлаш шохобчасида қимматликлар қолдирилиши тақиқланади.

98. Ваколатли банкка олиб бориладиган қимматликлар бўйича кассир томонидан уч нусхада илова қайдномаси тузилади. Қайднома кассир ва назоратчи томонидан имзоланади. Кассир қимматликларни, шунингдек қайдноманинг бир нусхасини ҳисобот ва тасдиқловчи ҳужжатлар билан бирга халтага солади ва уни тамғалайди.

99. Қимматликлар солинган халтани олишдан олдин инкассатор кассирга ўзининг хизмат гувоҳномаси, қимматликларни олиш ҳуқуқини берувчи 173-шаклдаги ишончномаси ва ташриф варақасини тақдим этади. Кассир ташриф варақасининг тегишли устунига қимматликлар топширилган вақт, халта рақами, топширилган қимматликлар суммасининг миллий валютадаги эквивалентини ёзиб қўяди ва уни имзолаб, инкассаторга унинг ҳужжатларини қайтаради ва қимматликлар солиб тамғаланган халтани беради.

Инкассатор тамғалагич изининг аниқлиги, унинг намунадагига мос келиши, шунингдек ташриф варақасига ёзилган суммалар илова қайдномасида кўрсатилган сумма билан бир хиллигини текшириб, илова қайдномасининг кассирда қоладиган учинчи нусхасини имзолаб, санани ёзади ва инкассация бўлимининг (участкасининг) номи ёзилган муҳрни босади ва илова қайдномасининг иккинчи нусхаси билан бирга халтани қабул қилиб олади.

100. Келтирилган халталар ва уларнинг илова қайдномалари ваколатли банкнинг кечки касса ходимлари томонидан қабул қилинади ва эрталаб касса мудирига топширилади.

101. Банк бухгалтериясининг масъул ходимлари тақдим қилинган ҳужжатлар бўйича тузилган ҳисоботнинг тўғрилигини, қимматликларни тўла-тўқис топширилганлигини ва улардан тўғри фойдаланилганлигини текширади, айирбошлаш шохобчасининг ҳисоботига киритилган операцияларни банк балансида акс эттириш, шунингдек мазкур айирбошлаш шохобчаси кассири ҳисобидаги бўнақлар суммалари юзасидан ҳисоб-китоб қилиш учун ордерлар тузади. Барча ҳужжатлар ва тузилган ордерлар ваколатли банкнинг валюта операциялари бўлими бошлиғи ёки бош бухгалтери томонидан текширилиб, кунлик ҳужжатларга тикиб қўйилади.

102. Байрам ва дам олиш кунлари ҳамда навбат билан кеча-кундуз ишлайдиган айирбошлаш шохобчаларида валюта айирбошлаш операциялари мазкур Низом талабларига мувофиқ амалга оширилади.

XV БОБ. АЙИРБОШЛАШ ШОХОБЧАСИНИ ЁПИШ

103. Айирбошлаш шохобчаси қуйидаги ҳолларда ёпилади:
ваколатли банкнинг ихтиёрига кўра;
ваколатли банкнинг валюта операцияларини амалга ошириш бўйича лицензияси чақириб олинганда.

104. Айирбошлаш шохобчасини ёпиш тўғрисида ваколатли банк раҳбари томонидан буйруқ чиқарилади ва буйруқ нусхаси у чиқарилган кундан эътиборан 3 иш куни ичида тегишли ҳудудий Бош бошқармага кузатув хатига илова қилинган ҳолда юборилади. Ҳудудий Бош бошқарма томонидан ваколатли банк раҳбарининг айирбошлаш шохобчасини ёпиш тўғрисидаги буйруғига асосан, Айирбошлаш шохобчасини рўйхатга олиш журнаliga тегишли ёзув киритилади.

XVI БОБ. КОНВЕРСИОН БЎЛИМ ВА АЙИРБОШЛАШ ШОХОБЧАСИДА ВАЛЮТА ОПЕРАЦИЯЛАРИ АМАЛГА ОШИРИЛИШИНИ НАЗОРАТ ҚИЛИШ

105. Конверсион бўлим ва айирбошлаш шохобчасининг қонун ҳужжатлари талабларига мувофиқ фаолият юритиши ваколатли банк томонидан ҳар ойда камида бир марта текшириб турилиши шарт.

106. Ўзбекистон Республикаси Марказий банки конверсион бўлимлар ва айирбошлаш шохобчалари фаолиятида валюта операцияларини амалга оширишда қонун ҳужжатлари талабларига риоя этилиши юзасидан режали ва тўсатдан текширишларни ташкил этиш ва ўтказиш ҳуқуқига эга. Ҳудудий Бош бошқармалар тегишли ҳудудда жойлашган конверсион бўлимлар ва айирбошлаш шохобчаларининг фаолиятини ҳар чоракда камида бир марта текширилишини таъминлашлари шарт.

XVII БОБ. ЯКУНИЙ ҚОИДАЛАР

107. Валюта айирбошлаш операцияларини амалга ошириш вақтида мунтазам равишда камчиликларга йўл қўйиш ҳолатлари аниқланганда, Марказий банк ваколатли банкларнинг валюта операцияларини амалга ошириш бўйича лицензиясини 6 ойгача тўхтатиб қўйиш ёки чақириб олишга ҳақли.

108. Мазкур Низом талабларининг бузилишида айбдор шахслар қонун ҳужжатларида белгиланган тартибда жавобгарликка тортилади.

09017-shakl

Vakolatli bankning emblemasi

(vakolatli bankning nomi)

(vakolatli bankning shtampi)

-sonli ma`lumotnoma

20____-yil "_____"
(sana) (oyning nomi)

(F.I.O.) ning

(milliy valutaning summasi raqam va so`z bilan yoziladi) shaxsiy bank plastik kartasidan yechib olindi.

(chet el valutasining summasi raqam va so`z bilan yoziladi) xalqaro to`lov kartasiga o`tkazib berildi.

Mas`ul xodimning shtampi va imzosi _____

Mijozning imzosi _____

**MAZKUR BLANKNI QALBAKILASHTIRISH
QONUNGA MUVOFIQ TA`QIB QILINADI
UNGA O`ZGARTIRISHLAR KIRITISHGA YO`L QO`YILMAYDI
BOSHQA SHAXSLARGA BERISH TAQIQLANADI**

Vakolatli bankning emblemasi

(vakolatli bankning nomi)

(konversion operatsiyalar bo`limining
shtampi)

-sonli ma`lumotnoma

20__-yil "_____"
(sana) (oyning nomi)

(chet el valutasining summasi raqam va so`z bilan yoziladi) xalqaro to`lov kartasidan yechib olindi.

(milliy valutaning summasi raqam va so`z bilan yoziladi) shaxsiy bank plastik kartasiga o`tkazib berildi.

Mas`ul xodimning shtampi va imzosi _____

Rezidentning imzosi _____

**MAZKUR BLANKNI QALBAKILASHTIRISH
QONUNGA MUVOFIQ TA`QIB QILINADI
UNGA O`ZGARTIRISHLAR KIRITISHGA YO`L QO`YILMAYDI
BOSHQA SHAXSLARGA BERISH TAQIQLANADI**

_____ (ваколатли банкнинг номи)

бошқарувчиси _____ га
(бошқарувчининг Ф.И.О.)

_____ манзилида яшовчи

_____ дан
(аризачининг Ф.И.О.)

Чет эл валютасини сотиб олиш учун АРИЗА

Сиздан _____-сонли шахсий банк пластик картасидаги

_____ миқдордаги миллий валютани, _____
(сумма рақам ва сўз билан ёзилади) (сумма рақам ва сўз билан ёзилади)

_____ миқдорига айирбошлаб беришингизни сўрайман.
(чет эл валютасининг тури)

_____ халқаро тўлов картасини очиш ва унга
(карта тури)

чет эл валютасини ўтказиб бериш;

_____ -сонли халқаро тўлов картасига
(халқаро тўлов картаси мавжуд бўлганда)

ўтказиб бериш.

Аризачининг
имзоси _____

20__ йил " _____ "
(сана) (ойнинг номи)

_____ (ходимнинг имзоси)

_____ (Конверсион бўлимнинг штампи)

имзо текширилди, салдо қолдиғига тўғри келади.

конверсион операциялар бўлимининг штампи

**Чет эл валютасини халқаро тўлов картасига
ўтказиб бериш операцияларини ҳисобга олиш
РЕЕСТРИ**

20__ йил " _____ " _____
(сана) (ойнинг номи)

Ф.И.О.	Мижознинг шахсини тасдиқловчи хужжат бўйича маълумотлар				Сотилган чет эл валютасининг		Курс	Мижоздан қабул қилинган миллий валюта суммаси	Операц ия вақти	Маълумо т- номанинг рақами
	хужжат тури ва серияси	рақам и	қачон ва ким томонидан берилган	турар жойи	номи	суммас и				
1	2	3	4	5	6	7	8	9	10	11

(имзо)

(имзо)

_____ (ваколатли банкнинг номи)

бошқарувчиси _____ га
(бошқарувчининг Ф.И.О.)

_____ манзилида яшовчи

_____ дан
(аризачининг Ф.И.О.)

**Чет эл валютасини миллий
валютага айирбошлаш учун
АРИЗА**

Менг _____, тегишли халқаро тўлов
а, _____
(аризачининг Ф.И.О.)

картасида _____ миқдорин
ги _____ и
(чет эл валютасининг тури, суммаси рақам ва сўз билан)

ваколатли банкнинг сотиб олиш курсига мувофиқ миллий валютага айирбошлаб,
_____ -сонли шахсий банк пластик картасига ўтказиб беришингизни
сўрайман.

Аризачининг _____ 20__ йил " _____"
имзоси _____ (сана) _____ (ойнинг номи)

09021-сонли реестр

конверсион операциялар бўлимининг штампи

**Халқаро тўлов картасидаги чет эл валютасини нақдсиз
шаклда миллий валютага айирбошлаш бўйича амалга
оширилган операцияларни ҳисобга олиш
РЕЕСТРИ**

20__ йил " ____ " _____
(сана) (ойнинг номи)

Ф.И.О.	Халқаро тўлов картасидан ечиб олинган чет эл валютаси		Курс	Миллий валюта суммаси	Операция вақти	Маълумотном а рақами
	номи	суммаси				
<i>1</i>	<i>2</i>	<i>3</i>	<i>4</i>	<i>5</i>	<i>6</i>	<i>7</i>

(имзо)

(имзо)

конверсион операциялар бўлимнинг штампи

**Қатъий ҳисобда турувчи бланкларнинг
фойдаланилганлиги бўйича
ҲИСОБОТ**

20__ йил " ____ " ____
(сана) (ойнинг номи)

Бланк тури	Олинди		Сарфланди		Бузилди		Қолдик	
	рақамдан	рақамгача	рақамдан	рақамгача	рақамдан	рақамгача	рақамдан	рақамгача

Ҳисоботни тузди: _____ (Ф.И.О., штампи ва имзоси)

Ҳисоботни текширди: _____ (Ф.И.О., имзоси)

(Ўзбекистон Республикаси Марказий банкнинг
тегишли ҳудудий Бош бошқармаси бланки)

**00000000-сонли айирбошлаш шохобчасининг
рўйхатга олинганлиги тўғрисида
ГУВОҲНОМА**

Мазкур гувоҳнома

қарашли _____ -
сонли

_____ (ваколатли банкнинг тўлиқ номи)

айирбошлаш шохобчасини Ўзбекистон Республикаси Марказий банкнинг _____

Бош бошқармаси томонидан _____
(айирбошлаш шохобчасининг жойлашган ери (почта манзили))

манзили бўйича рўйхатга олинганлиги тўғрисида берилди.

Марказий банкнинг _____
Бош бошқармаси бошлиғи

М.Ў.

_____ (имзо)

**Айирбошлаш шохобчасини рўйхатга олиш
ЖУРНАЛИ**

Тегиш и вилоят коди	Бан к коди	Айирбошла ш шохобчасин инг тартиб рақами	Рўйхатг а олинга н санаси	Айирбошла ш шохобчасин инг жойлашган ери (почта манзили)	Ваколатли банкнинг номи	Марказий банкнинг худудий Бош бошқармаси бошлиғининг Ф.И.О., имзоси	Ўпилди (сана ва мансабдор шахснинг имзоси, буйруқ рақами ва санаси)	Гувоҳно ма бекор қили нишига асос
<i>1</i>	<i>2</i>	<i>3</i>	<i>4</i>	<i>5</i>	<i>6</i>	<i>7</i>	<i>8</i>	<i>9</i>
а	б	в						
00	000	000						

Vakolatli bankning emblemasi

(vakolatli bankning nomi)

(ayirboshlash shoxobchasi shtampi)

_____-sonli ma`lumotnoma - certificate

20____-yil "_____"
(sana) (oyning nomi)

almashtirildi.

(valutaning nomi, summasi raqam va so`z bilan yoziladi
type of currency, amount in figures and in words)

so`m berildi.
sums paid out.

vositachilik haqi undirildi.
commission recovered.

(valuta egasining imzosi -
holder`s signature)

(ayirboshlash shoxobchasi
xodimlarining imzosi)

Mazkur ma`lumotnoma chet el valutasining so`mga almashtirilganligini tasdiqlash uchun berildi. U sarflanmay qolgan so`mni naqd chet el valutasiga qayta almashtirish huquqini beradi.

This certificate is delivered in confirmation of the fact of exchange of foreign currency against sums. This certificate gives a right to reexchange foreign currency.

**MAZKUR BLANKNI QALBAKILASHTIRISH
QONUNGA MUVOFIQ TA`QIB QILINADI
UNGA O`ZGARTIRISHLAR KIRITISHGA YO`L QO`YILMAYDI
BOSHQA SHAXSLARGA BERISH TAQIQLANADI**

Vakolatli bankning emblemasi

(vakolatli bankning nomi)

(ayirboshlash shoxobchasi shtampi)

-sonli ma`lumotnoma - certificate

20__-yil " _____ "
(sana) (oyning nomi)

almashtirildi.

(valutaning nomi, summasi raqam va so`z bilan yoziladi
type of currency, amount in figures and in words)

so`m berildi.
sums paid out.

vositachilik haqi undirildi.
commission recovered.

(valuta egasining imzosi -
holder`s signature)

(ayirboshlash shoxobchasi
xodimlarining imzosi)

Mazkur ma`lumotnoma chet el valutasining so`mga almashtirilganligini tasdiqlash uchun berildi. U sarflanmay qolgan so`mni naqd chet el valutasiga qayta almashtirish huquqini bermaydi.

This certificate is delivered in confirmation of the fact of exchange of foreign currency against sums and does not give any right to effect of reexchange for foreign currency abroad.

**MAZKUR BLANKNI QALBAKILASHTIRISH
QONUNGA MUVOFIQ TA`QIB QILINADI
UNGA O`ZGARTIRISHLAR KIRITISHGA YO`L QO`YILMAYDI
BOSHQA SHAXSLARGA BERISH TAQIQLANADI**

(ayirboshlash shohobchasining shtampi)

**Naqd chet el valutasini inkassoga qabul qilish bo`yicha
_____-sonli kvitansiya**

20__-yil " ____ " ____
(sana) (oyning nomi)

Ushbu tasdiqlovchi hujjat berildi _____
(F.I.O.)

(shaxsini tasdiqlovchi hujjatining seriyasi va raqami)

Turar joyi bo`yicha manzil _____

Xorijiy davlatning pul birligini inkassoga qabul qilish (chet el valutasidagi to`lov hujjati):

1. _____
(chet el valutasining to`liq nomi, nominali, seriyasi va raqami, emitent bankning nomi)
2. _____
3. _____
4. _____

Shohobcha
hodimlari

(imzolar)

(hodimlarning shtamlari)

Mijoz

(imzo)

(F.I.O.)

**MAZKUR BLANKNI QALBAKILASHTIRISH
QONUNGA MUVOFIQ TA`QIB QILINADI
UNGA O`ZGARTIRISHLAR KIRITISHGA YO`L QO`YILMAYDI
BOSHQA SHAXSLARGA BERISH TAQIQLANADI**

Vakolatli bankning emblemasi

(ayirboshlash shohobchasining shtampi)

**Naqd chet el valutasini ekspertizaga qabul qilish to`g`risida
_____-sonli kvitansiya**

20__-yil " ____ " ____
(sana) (oyning nomi)

Ushbu tasdiqlovchi hujjat berildi _____
(F.I.O.)

(shaxsini tasdiqlovchi hujjatining seriyasi va raqami)

Turar joyi bo`yicha manzil _____

Xorijiy davlatning pul birligini ekspertizaga qabul qilish:

1. _____
(chet el valutasining to`liq nomi, nominali, seriyasi va raqami, emitent bankning nomi)
2. _____
3. _____
4. _____

Qayd etilgan pul birligi (to`lov hujjati) belgilangan tartibda ekspertizaga qabul qilinadi.

Shohobcha
hodimlari

(imzolar)

(hodimlarning shtamlari)

Jismoniy shaxs

(imzo)

(F.I.O.)

**MAZKUR BLANKNI QALBAKILASHTIRISH
QONUNGA MUVOFIQ TA`QIB QILINADI
UNGA O`ZGARTIRISHLAR KIRITISHGA YO`L QO`YILMAYDI
BOSHQA SHAXSLARGA BERISH TAQIQLANADI**

Vakolatli bankning emblemasi

_____ (vakolatli bankning nomi)

_____ (ayirboshlash shoxobchasi shtampi)

_____ -sonli ma`lumotnoma

20__-yil " _____ " _____
(sana) (oyni nomi)

_____ dan

_____ (F.I.O.)

_____ qabul qilindi.

_____ (milliy valutaning summasi raqam va so`z bilan yoziladi)

_____ berildi.

_____ (chet el valutasining nomi, summasi raqam va so`z bilan yoziladi)

Kassirning shtampi va imzosi _____

Nazoratchining shtampi va imzosi _____

Mijozning imzosi _____

**MAZKUR BLANKNI QALBAKILASHTIRISH
QONUNGA MUVOFIQ TA`QIB QILINADI
UNGA O`ZGARTIRISHLAR KIRITISHGA YO`L QO`YILMAYDI
BOSHQA SHAXSLARGA BERISH TAQIQLANADI**

Vakolatli bankning emblemasi

(vakolatli bankning nomi)

_____-sonli kvitansiya

20____-yil "_____"
(sana) (oyning nomi)

Ushbu tasdiqlovchi hujjat berildi

(jismoniy shaxsning F.I.O.,

shaxsini tasdiqlovchi hujjatining seriyasi va raqami)

Turar joyi boyicha manzili

Shikastlangan chet el valutasini shikastlanmagan chet el valutasiga almashtirish.

Qabul
qilindi

(chet el valutasining nomi, raqam va so`z bilan yozilgan summasi,

nominali, seriyasi va tartib raqami, emitent bankning nomi)

Berild
i

(chet el valutasining nomi, raqam va so`z bilan yozilgan summasi)

Vositachilik haqi undirildi

(raqam va so`z bilan yozilgan summa)

(jismoniy shaxs imzosi)

(shoxobcha xodimlarining imzosi va shtampi)

**MAZKUR BLANKNI QALBAKILASHTIRISH
QONUNGA MUVOFIQ TA`QIB QILINADI
UNGA O`ZGARTIRISHLAR KIRITISHGA YO`L QO`YILMAYDI
BOSHQA SHAXSLARGA BERISH TAQIQLANADI**

(айирбошлаш шохобчасининг штампи)

рухсат бераман

**Айирбошлаш шохобчасида операцияларни
амалга ошириш учун бўнак олиш тўғрисида
ТАЛАБНОМА**

(айирбошлаш шохобчаси ходимининг Ф.И.О.)

(айирбошлаш шохобчасининг номи)

Қуйидагиларга рухсат беришингизни сўрайман:

I. 20__ йил " __ " _____ ҳолатига кўра миллий ва чет эл валютасида қуйидаги миқдордаги бўнак:

а)

сўмда: _____

(сумма рақам ва сўз билан ёзилади)

б) нақд чет эл валютаси:

(валютанинг номи, суммаси рақам ва сўз билан ёзилади)

II. Қатъий ҳисобда турувчи бланклар:

(керакли бланкларнинг шакли ёзилади)

(айирбошлаш шохобчаси
ходимининг имзоси)

(айирбошлаш шохобчасининг штампи)

**Халқаро тўлов картасидаги чет эл валютаси
ва нақд чет эл валютасини миллий валютага
айирбошлаш операцияларини ҳисобга олиш
РЕЕСТРИ**

20__ йил " _____ " _____
(сана) (ойнинг номи)

Ф.И.О.	Халқаро тўлов картасидан ечиб олинган чет эл валютаси		Нақд чет эл валютаси		Курс	Миллий валюта суммаси	Операция вақти	Маълумотнома рақами
	номи	суммаси	номи	суммаси				
1	2	3	4	5	6	7	8	9

Жами миллий валюта
миқдори

(рақам ва сўз билан ёзилади)

Жами чет эл валютаси
миқдори

(рақам ва сўз билан ёзилади)

Айирбошлаш шохобчаси
ходимлари

(имзолар ва штамплари)

09010-сонли реестр

_____ (айирбошлаш шохобчасининг штампи)

**Норезидентларга чет эл валютасини
сотилганлигини ҳисобга олиш
РЕЕСТРИ**

20__ йил " _____ " _____
(сана) (ойнинг номи)

N	Сотилган чет эл валютаси		Курс	Миллий валютанинг миқдори	Маълумотнома рақами	Амалиёт бажарилган вақт
	номи	миқдори				

Жами миллий валюта миқдори

_____ (рақам ва сўз билан ёзилади)

Жами чет эл валютаси миқдори

_____ (рақам ва сўз билан ёзилади)

Айирбошлаш шохобчаси
ходимлари

_____ (имзолари ва штамплари)

(айирбошлаш шохобчасининг штампи)

**Хорижий давлатларнинг шикастланган ёки тўловга
яроқсиз пул белгиларини ўша давлатнинг тўловга
яроқли пул белгиларига алмаштириш ва майдалаш
операцияларини ҳисобга олиш
РЕЕСТРИ**

Чет эл валютасининг номи	Алмаштириш ва майдалаш учун қабул қилинган чет эл валютасининг номинали, серияси ва тартиб рақами	Ундирилган воситачилик ҳақи	09012-шакл квитанциянинг рақами	09013-шакл маълумотномани нг рақами
<i>1</i>	<i>2</i>	<i>3</i>	<i>4</i>	<i>5</i>

Назоратчи:

(Ф.И.О.)

(имзо)

Кассир:

(Ф.И.О.)

(имзо)

Ваколатли банкнинг эмблемаси

_____ (айирбошлаш шохобчасининг штампи)

-сонли маълумотнома

_____ (жисмоний шахснинг Ф.И.О.)

_____ (валютанинг номи, суммаси рақам ва сўз билан ёзилади)

Чет эл валютасининг номи	Майдалаш учун қабул қилинган чет эл валютасининг номинали, серияси ва тартиб рақами	Майдалаб берилган чет эл валютасининг номинали, серияси ва рақами

_____ миқдорида воситачилик ҳақи олинди.

_____ (сумма рақам ва сўз билан ёзилади)

_____ (жисмоний шахс имзоси)

_____ (назоратчининг штампи ва имзоси)

_____ (кассирнинг штампи ва имзоси)

_____ (айирбошлаш шохобчасининг штампи)

**Конверсия қилинган (алмаштирилган)
нақд чет эл валютасини ҳисобга олиш
РЕЕСТРИ**

20__ йил "_____"
(сана) (ойнинг номи)

Ф.И.О.	Чет эл валютаси		Конверсия қилинган (алмаштирилган) курс	09015-сонли маълумотнома рақами
	қабул қилинди	берилди		

Назоратчи:

(Ф.И.О.) (имзо)

Кассир:

(Ф.И.О.) (имзо)

Vakolatli bankning emblemasi

(vakolatli bankning nomi)

(ayirboshlash shoxobchasining
shtampi)

_____-sonli ma`lumotnoma

20____-yil "_____"
(sana) (oyning nomi)

(qabul qilingan valuta nomi, summasi raqam va so`z bilan yoziladi)

(konversiya qilingan (almashtirilgan) valuta nomi, summasi raqam va so`z bilan yoziladi) vositachilik haqi miqdori

(valuta egasining imzosi)

(ayirboshlash shoxobchasi xodimlarining imzosi)

Mazkur ma`lumotnoma chet el valutasini boshqa chet el valutasiga almashtirilganligini tasdiqlash uchun berildi.

_____ (айирбошлаш шохобчасининг штампи)

**Айирбошлаш шохобчаси томонидан амалга
оширилган операциялар тўғрисида
ҲИСОБОТ**

20__ йил " _____ " _____
(сана) (ойнинг номи)

кунлик бўнак лимити: _____

чет эл валютасида: _____

миллий валютада: _____

Амалга оширилган операциялар мазмуни	Миллий валютада		Чет эл валютасида*	
	кирим	чиқим	кирим	чиқим
Олинган бўнак:				
Кунлик айланмалар:				
Сотилган валюта				
Жами айланмалар				
Банк кассасига топширилиши керак				
Баланс:				

*) "Чет эл валютаси" графаси ваколатли банкларнинг сотиб олиш ва сотиш курси бўйича тўлдирилади.

Қатъий ҳисобда турувчи бланкларнинг фойдаланилиши

Бланк тури	Олинди		Сарфланди		Бузилди		Қолди	
	рақамдан	рақамгача	рақамдан	рақамгача	рақамдан	рақамгача	рақамдан	рақамгача

 (айирбошлаш
 шохобчаси
 ходимларининг имзоси)

 (ҳисобот тузувчининг
 Ф.И.О., имзоси)

Ҳисоботни
 текширди:

 (бош бухгалтер ёки бўлим бошлигининг Ф.И.О., имзоси)

20__ йил " ____ "

 (сана (ойнинг номи)
)

"Ўзбекистон Республикаси қонун ҳужжатлари тўплами",
 2013 йил 25 март, 12-сон, 158-модда